

## per persunas d'instrucziun, mainascoulas e cussagls da scoula

Nr. 4 2023/24

### Part generela

#### Register dals mezs d'instrucziun 2024/25

Il register dals mezs d'instrucziun vain approvo e publicho minch'an da la regenza. El cuntegna ils mezs d'instrucziun obligatorics ed arcumandos per las scoulas populeras grischunas.

[Register mezs d'instrucziun Grischun 2024/25](#)



#### Plattaforma cun materiels rumauntschs

Las conferenzas regiunelas rumauntschas haun creo cun "furmaziun.ch" üna plattaforma chi metta a disposiziun in ün lö centrel materiels in rumauntsch. Sülla plattaforma as chatta impustüt materialias per la furmaziun supplementera linguistica, üna survista da pussibiliteds per stüdis da las linguistics rumauntschas scu eir materialias didacticas per l'instrucziun. Cul böt da mantgnair e promover la lingua vain la plattaforma "furmaziun.ch" sustgnida finanzielmaing da l'USS/AVS.

[Plattaforma per cuntgnieus da furmaziun rum.](#)



#### Gruppa accompagnanta 'Taliaun' primara

La gruppa accompagnanta per 'Taliaun' in scoula primara ho l'incumbenza da perseguiter l'instrucziun da 'Taliaun' sün quel s-chelin. Ella formulescha böts intermediers cun indicaziuns concretas davart la materia, e que per singulas etap-pas düraunt l'an da scoula.

La verificaziun la pü actuela es gnida publisheda ils 31 schner 2024.

[Verificaziun 'Taliaun' scoula primara](#)



#### Noviteds dal program IPPI

L'introducziun illa professiun per persunas d'instrucziun (IPPI) es ün program da success.

Tar l'entreda illa professiun vegnan sustgnidas tuot las persunas d'instrucziun i'l chantun GR cun spüertas da la scoula sül lö, dal servezzan psicologic da scoula, da l'inspectorat da scoula e da la Scoul'ota da pedagogia. Las spüertas as drizzan a principiantas e principiants i'l prüm an da servezzan, a persunas chi tuornan illa professiun zieva ün'absenza d'al-main tschinch ans ed a persunas d'instrucziun sainza scola-ziun correspondentia pel s-chelin düraunt il prüm an da servezzan. L'inspectorat da scoula coordinescha e maina quist proget.

Düraunt l'an da scoula actual profitan passa 150 magistras e magisters da la spüerta dal program IPPI. 150 menturas e mentuors accompagnan a las principiantas ed als principiants per superer las sfidas professiunelas e persunelas dal minchadi da scoula. Ün cordiel ingrazchamaint per quist ingaschamaint.

In avrigl 2024 ho lö üna consultaziun online cullas persunas d'instrucziun IPPI, cullas menturas e culs mentuors. Els sur-vegnan l'invid per as parteciper a la consultaziun per e-mail. Grazcha fich per vossa partecipaziun.

[Ulteriuras infurmaziuns](#)



#### Digitel ed autonom per via

La protecziun da datas es importanta in minch'eted. Il mez d'instrucziun gratuit davart la protecziun da datas 'Selbstbestimmt digital unterwegs' fabricha sü las cugnuschentschas da basa necessarias a partir da l'eted da scou-lina.

Intaunt cha's tratta i'l ciclus 1 d'incler la sfera privata e d'identificer datas persunelas, sto i'l center i'ls ciclus 2 e 3 da savair druver plattaformas ed instrumaints digitels.

Il mez d'instrucziun es concepieu uschè ch'el po gnir druvo da personas d'instrucziun in differents settings, independen-  
tamaing da la grandezza da las classas e dal nivel da las  
scolas e dals scolars. Bgeras materialias paun gnir druve-  
das digitelmaing u eir gnir stampadas. Ellas pussibiliteschan  
eir d'approfundir individuelmaing temas.

[Mez gratuit 'Selbstbestimmt digital unterwegs'](#)



## Scha vzair nu s'inclegia be da se

Il museum regiunel a Tavo spordscha i'l ram dals dis d'  
acziun nazionels per umauns impediens dals 27 fin 31 meg  
2024 guidas pels s-chelins d'immez e pels s-chelins ot. Quel-  
las guidas sustegnan lur integraziun i'l sector da la cultura.  
Scha las scolaras ed ils scolars faun üna visita in quist mu-  
seum regiunel faun els l'esperienza cha 'vzair bain' nu s'incle-  
gia be da se.

Cun ögliers da simulaziun da differents impediments visuels  
exploreschan els cu cha spazis paun gnir percepies cun  
oters sens. Helene Zimmermann e Josef Camenzind, sves  
personas cun impediments, daun invista i'l minchadi da per-  
sonas orvas.

Annunzcha fin ils 27 avrigl 2024 a: [elmer-wolf@bluewin.ch](mailto:elmer-wolf@bluewin.ch)

[Ulteriuras infurmaziuns](#)



## Ura dals utschels d'üert

Ils utschels tuochan tar las bes-chas cha's po scuvrir da ma-  
niera simpla. In occasiun da l'"Ura dals utschels d'üert" da  
BirdLife Svizra sun invidades tuot las classas da scoula d'ob-  
server e d'innubrer ils utschels intuorn chesa da scoula. A's  
po guadagner ün'excursiun gratuita in ün center da natüra.  
Quist an ho lö l' 'Ura dals utschels d'üert' dals 8 fin 12 meg  
2024. Sülla pagina d'internet staun a disposiziun divers  
mezs d'instrucziun e materialias davart il tema utschels.  
Adattada per las scoulas es eir la plattafuorma d'imprender  
online.

[Mezs e plattafuorma d'imprender BirdLife Svizra](#)



## Occurrenzas per personas d'instrucziun davart tscherna da misters

Nouv spordscha la cussagliaziun professiunela occurrenzas  
per personas d'instrucziun davart il ram 'Orientaziun profes-  
siunela'. Ün böt es cha personas d'instrucziun survegnan in-  
furmaziuns davart il tema tscherna da misters. Las personas  
adressedas sun magistras e magisters chi instrueschan  
d'ürant il prossem an da scoula il ram 'Orientaziun profes-  
siunela'. L'occurrenza es gratuita. Sün giavüsch vain con-  
fermeda la partecipaziun per ch'ella possa gnir arcugnus-  
chida scu furmaziun supplementera.

Scu pilot vain spüerta la prüm'occurrenza a Cuira:

Marculdi, ils 22 meg 2024, 14.00 – 17.00, Grabenstrasse  
1, Chur (scha la 'Churer Maiensässfahrt' ho lö vain l'occur-  
renza spusteda sün marculdi, ils 5 gүн 2024).

Zieva la realisaziun vegnan examinadas ulteriuras occurren-  
zas.

[Infurmaziuns ed annunzcha](#)



## IdeenSets da la SAP Berna

Persunas d'instrucziun chi drouvan materiel adatto per la  
preparaziun da l'instrucziun chattan bun sustegn culs Ideen-  
Sets da la SAP Berna. Ils IdeenSets staun a libra disposiziun  
per tuot ils rams e per tuot ils ciclus (ciclus 1 fin sec. II). Els  
as refereschan ad ün tema d'instrucziun tschernieu ed al  
plaun d'instrucziun actuel. Mincha IdeenSet cumpiglia ün  
commentar didactic cun tschegns per l'adöver ill'instrucziun.  
Persunas d'instrucziun e personas specialisesas sviluppan e  
surelavuran ils IdeenSets regulermaing.

[Ulteriuras infurmaziuns e tscherna dals IdeenSets](#)



Cordiels salüds

*Chantal Marti-Müller  
Mnedra USS*

*Philipp Hugentobler  
Mneder inspektorat da scoula*

## Part regiunela

### Termins

Data	Occurrenza	Adressos
15-04-2024	Assegnaziun definitiva	6. cl./1.R
28/29-05-2024	Examen da recuors	6. cl./1.R
06-06-2024	Occurrenza d'infurmaziun regiunela a Samedan	CS
10-06-2024	Occurrenza d'infurmaziun regiunela a Zernez	CS

[Ulteriurs termins](#)



Cordiels salüds

*Inspectorat districtuel Engiadina-Val Müstair-Samignun  
Bettina Salutt, Urs Kühne, Curdin Lansel*

